

Нормурод Нарзуллаев ўзбек адабиёти тараккиётига ўзининг кўп киррали ижоди билан баракали хисса кўшиб келаётган шоирлардан биридир.

У 1934 йилнинг 7 июлида Кашкадарё вилояти Касби туманидаги Хўжахайрон кишлогида дехкон оиласида дунёга келди. У етти йиллик маълумотни ўз кишлогидаги мактабда олди. 1948 йилда Охунбоев номли Карши педагогика билим юртига кириб ўкиди. 1956 йилда Самарканд Давлат педагогика институтининг Тил ва адабиёт факултетини имтиёзли диплом билан битирди.

Мехнат фаолиятини 1956 йилдан бошлади: «Ленин йўли» (Самарканد), «Кашкадарё хакикати» (Карши) рўзномаларида мусаххих, адабий ходим, бўлим мудири ва масъул котиб вазифаларида ишлади. 1968—1969 йилларда Алишер Навоий номли Самарканд Давлат дорилфунунининг ўзбек адабиёти кафедраси аспирантурасида ўкиди.

Нормурод Нарзуллаев 1969 йилда Ўзбекистон КП Самарканд шахар комитети пропаганда ва агитатсия бўлимининг мудири бўлиб ишлади. 1970 йил январидан 1974 йил июлигача Ўзбекистон Компартияси Марказий Комитети маданият бўлимининг инструктори, сектор мудири лавозимларида хизмат килди. 1974 йилда Ўзбекистон ССР Ёзувчилар уюшмаси раисининг биринчи ўринбосари ва Раёсат аъзоси этиб сайланди. 1976 йилдан 1981 йилгача Ўзбекистон Ёзувчилар уюшмасида котиб ва котибиятнинг аъзоси вазифаларида ишлади.

Шоир 1981 йил декабрида Ўзбекистон ЛКСМ Марказий Комитети «Ёш гвардия» нашриёти бош редактори этиб тасдикланди. 1991 йилдан эътиборан Ўзбекистон Ёшлар Иттифоки «Камалак» нашриётматбаа бирлашмасининг бош мухаррири вазифасини бажармокда.

Шоир ижодий фаолиятини 1954 йилдан бошлайди, вактли матбуот сахифаларида унинг илк шеърлари босилади. Гафур Гулом номидаги Адабиёт ва санъат нашриётида шоирнинг илк шеърий тўплами — «Суюнчи» (1965) босилиб чикади. Бугунга кадар шоирнинг ўттизга якин китоблари босилган. «Сизни Ватан эркалар» (1966), «Мехр чашмаси» (1970), «Зарафшон зарлари» (1970), «Уфкларда кўзларим» (1973), «Ёгду» (1974), «Нигоҳлар» (1976), «Лахза ва ларза» (1978), «Севги сехри» (1981), «Ок саманим» (1982), «Тонг элчиси», (1984), «Шамолни ушлаган бола» (1985), «Яхшилик деб яшайман» (1987), «Аник зект» (1989) каби тўпламларнинг муаллифидир. Шоирнинг рус тилида «Високое солнце» (1974), «Добрый свет» 1977), «Поёт дутар» (1977), «Мгновение» (1982), «Дыхание трав» (1983), «Мальчик поймавший ветер» (1990) китоблари чоп этилган. Бундан ташкари, шоирнинг «Мухаббатдан тугилгай» китоби озарбайжон, «Кўшчинор» тўплами тожик тилида нашр этилган.

Нормурод Нарзуллаев асарлари чет эллик шеърият мухлисларига хам яхши таниш: унинг шеърлари инглиз, ветнам, чех, немис, поляк, турк, хияд, испан, француз каби тилларга таржима килинган.

Нормурод Нарзуллаев адабиётга оид бир катор илмий, адабийтанкидий маколалар муаллифидир. «Халк булбули», «Дўстлик мушоираси» хужжатли фильмлари ссенарийиси, «Виждан исёни» драмаси хам унинг каламига мансуб.

Нормурод Нарзуллаев «Нарзий» тахаллуси билан кўшикнавис шоир сифатида машхур. Унинг шеърлари асосида яратилган кўплаб кўшиклар Бутуниттифок ва республика конкурсларида маҳсус соврин ва дипломлар билан тақдирланган. Айни пайтда шоирнинг 200 дан ортиқ кўшиклари муваффакият билан ижро этилмоқда.

Нормурод Нарзуллаев бадиий таржима соҳасида хам самарали ижод этмоқда. Айникона, Осиё ва Африка мамлакатлари шоирларининг ижодидан килган таржималари ўзбек китобхонларига манзур бўлди.

Ижодкор 1974 йилда «Мехр чашмаси», «Зарафшон зарлари», «Уфкларда кўзларим» шеърий тўпламлари учун Ўзбекистон Ленин комсомоли мукофоти лауреати унвонига сазовор бўлган.

1984 йилда Ўзбекистон республикасида хизмат кўрсатган маданият ходими фахрий унвони берилди.

Нормурод Нарзуллаев ўз овози ва ижод дастхатига зга серкирра ижодкор бўлиб, унинг асарларида юксак гражданлик, самимият, бурчга садокат, Ватанга мухаббат, жонажон ўлка табиатига, ўз она элига мафтункорлик туйгулари етакчи ўринни эгаллайди. Чиндан хам у ўзи айтганидек:

Канот бўлиб келдим дунёга,
Кўшик бўлиб колайин, дейман!,— деганда хак.